

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

20 Novembre 2020
04 Rabi'ul Aakhir 1442 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Du'as (Invocations) (Pt. 20)



Tout d'abord, mo bizin remercier mo Rab Qui fine donne moi bane telles l'occasion en or kot jusqu'à maintenant, mo fine réussi capave faire 20 Khutba Jummahs lors le sujet de "du'as" (invocations) pour le bienfait de tous mo bane disciples sincère, bane chercheurs de vérité et tous bane les autres frères, sœurs et zenfants musulmans, ainsi ki le reste de l'humanité en générale.

Couma zot conner, l'humanité en danger. Alors, nous bizin prier bocou. Zis Allah ki capave sauve nous de toutes sortes kalités difficultés, bane dangers, bane maladies, bane virus, bane crimes, bane problèmes économiques, etc. *Insha-Allah*.

Dans sa l'époque présent là, zot tous, zot ena la chance pou ena ene Messenger d'Allah parmi zot, mais malheureusement bien peu parmi zot écoute le message.

La plupart de bane dimounes tourne le dos avec message Allah et à So bane bénédictions et zot moque le Messenger d'Allah.

Kan à bane ki reconnaite bane bénédictions divines et accepter en toute sincérité le Messenger d'Allah, c'est zot ki chanceux. Et mo capave assure sa bane disciples sincères là ki Allah (swt) pou béni zot et ki zot pou reste toujours sous la garde de zot Rab et dans *Aakhérat*, zot pou recevoir, *Insha-Allah*, ene grand récompense de la part de zot Créateur et Allah (swt) pou satisfait de zot et zot aussi zot pou également satisfait de Li. Et tous sa bane sacrifices ki zot pé faire actuellement pour So cause dans sa lé monde matérielle et temporaire là pou multiplié à l'infini pour zot dans le monde éternel d'Allah. *Ameen*.

Maintenant, mo présente à nouveau devant zot quelques-z'uns de bane *duahs* ki ti révélé au cours de sa présente Manifestation Divine (dans nous l'époque kot Allah pé déverse So bane bénédictions en grande quantité):

Rabbana jinnaka mazloomeen, fafrouq bainana wa baina qawmiz zwalemeen/ faasiqeen/ mufsidfeen/ munaafiqeen etc. [Mentionne le nom de nous bane adversaires]

Ô Allah, nous fine vini dans l'état de martyrs; faire la différence entre nous et bane dimounes ki faire di tort ... bane ki devire la vérité, bane ki pas pieux, bane ki alle contre la loi ki Allah fine établir, bane fouteurs désordres, et bane ki répanne le mal, bane hypocrites, etc.

Rabbir hamnee inna fadlaka wa rahmatuka yunjee minal-adhaabi.

Ô mo Rab! Accorde-moi To pitié. To miséricorde et To bane faveurs pou sans aucune doute sauve moi de bane punitions.

Rabbi innaka jannatee wa rahmatuka junnatee wa aayaa-tuka ghidhaa'ee wa fi'luka ri-daa'ee.

Ô mo Rab! To-même To mo Consolateur [Qui console moi] et To miséricorde li mo protection et To excellence li mo nourriture et To action li mo couverture.

Rabbi arinee anwaa-ra kal kul-liyyata.

Ô mo Rab! Montrer-moi sa bane attributs ki complètement encerclé dans tous bane directions.

Allahumma innaka afuwun karimur-Raheemun tuhibbul afwa fa'fu annee.

Ô Allah! To le meilleur Pardonneur, le Bienfaisant et le Miséricordieux; To content pardonner, alors pardonne-moi.

Astagferullahal 'aliyyal Azeem.

Mo demande pardon pou mo bane péchés à Allah Le Plus Grand et Le Plus Élevé [Immense].

Allahumma aafena min kull bala-id-dunya wa azabil qubre wa azabil akherah.

Ô Allah! Sauve-nous de tous bane détresse de sa le monde là et de bane tourments dans tombe et du jour de la résurrection [kot tous dimounes pou relever].

Masha-Allahu! La quwwata illa billah.

Saki Allah ouler, sa même pou arriver et pas ena aucaine la force ou puissance excepter celui d'Allah.

Subhanal abadiyyal abad

Subhanal wahedil ahad

Subhanal fardis samad

Subhan rafe'is samaa'e begaire amad

Subhana mam bassatal arda alaa maaeen jamad.

Subhana man khalaqal khalqa fa ahsa'hum adad.

Subhana man qassamar rizqa walam yansa ahad.

Subhanallazi lam yattakhiz sahebataw-wala walad.

Subhanallazi lam yalid walam yulad wa lam yakullahu kufu'an ahad.

Allahumma la sahla illa maa ja'altahu sahlan. Wa anta taj'alul hazna sahlan itha shi'ta.

Ô Allah, ene travail facile c'est seulement ene travail ki To fine rende facile, et sak fois ki To ouler, bane difficultés transformer en facilité.

Allahumma innee attubu ilayka minal ma'aasee. Laa arji'u ilayhaa abadan.

Ô Allah, mo répentir devant Toi pou tous mo bane péchés et mo promesse pou jamais réfaire même péchés.

Kan mo ti pé gagne chagrin, l'angoisse, tristesse etc., Allah ti révèle moi sa *duah* là dans le mois de Avril de l'année 2002:

Hasabiyallaahu wa ni'mal wakeelu. Tawakkaltu alal hayyil lathee laa yamootu wal hamdu lil-laahil lathe lam yat-ta-khith waladan walam yakun lahoo shareekun fil mulki walam yakun lahoo waliyyum minath thulli wa kabbirhu takbeeraa. Yaa Hayyu Yaa Qayyoomu bi-Rahmatika astagheethu.

Allah suffit pou moi et ki excellent Patron Li été ! Mo compte lors Celui Qui vivant, et Qui zamais pou mort. Louange à Allah Qui pas fine gagne aucaine garçon et pas ena aucaine partenaire dans (So) domination et Li pas ena aucaine camarade pour protége Li de l'humiliation. Et glorifier So grandeur. Ô Toi l'Eternel et Le Souteneur de tout kitchose, mo invoque Toi et supplier Toi sans cesse pour ki To accorde moi To Miséricorde.

En 2001, le ex-soi-disant Amir et so bane moollahs ti humilié moi. Zot ti comploté contre sa humble serviteur là et zot vomi tous zot la haine et zot jalousie et zot ti ridiculise moi, faire bouffon avec moi devant bane dimounes et zot fine faire toutes sortes kalités jokes lors moi zis à cause mo recevoir bane révélations de côté d'Allah. Zot fine non seulement faire de moi ene sujet de conversation kot tout dimounes rire moi et bouffone moi, mais zot fine également dénigré bane révélations d'Allah, sa de l'eau pure ki vine du Ciel pour zot propre bien-être!

Kan zot fine commence zot campagne de haine contre moi et fine boycotte et moque moi et bane manifestations et signes de mo Rab, mo ti tombe dans ene l'état de l'angoisse, de tracas et mo ti également bien malade. Cinq fois par semaine, mo ti bizin prend bus et mo ti pé alle bord la mer, à « Albion » prend 9h00 le matin ziska 2h30 ou 3h00 de l'après-midi. Mo ti retire moi dans ene coin lors mo *Moussallah* (natte *Namaz*) et mo fine faire beaucoup de *duahs* avec Allah avec ene lé cœur lourd et larmes ti pé coule lors mo la joues couma dire robinet. Mo ti tellement bouleversé et dans sa l'état là mo ti pé cherche l'aide et bane guidances [conseils/ messages] d'Allah. En tant ki ene être humain, mo ti bien affecté par saki bane dimounes de mo Jamaat fine fer moi, et plus particulièrement mo mentor [guide] spirituel, le feu quatrième calife. Mo ti confronté à ene période si difficile kot mo fine trouve moi rejeté par la société et même mo la famille. Kot moi, ti ena ene tristesse étrange ki ti saizi nous - mo madame et moi – couma fine fek ena ene *Mayyat*. Nous ti vraiment touché, affecter par tout sa. Dans sa bane moments de tristesse là, mo frère Zafrullah

Domun ti à mo côté et comme nous tous les deux ti expulsé ensemble du *Nizam-e-Jamaat*, li et so la famille ti vine couma bane piliers de soutien pour nous. Zafrullah Domun Sahib ti pé call moi et nous tous les deux ti pé exprime nous bane sentiments et nous l'état de santé au cours de sa épreuve bien dure là.

Ainsi, dans sa l'état de profonde tristesse et d'épreuve là, mo ti pé invoque beaucoup Allah, et Allah fine réponde à mo l'appel, à mo bane *duahs*. Li fine manifesté Li et fine montré ki Li avec nous; nous pas ti tout seul. Li fine révèle sa *duah* ki mo pou réciter là (kot sa *duah* là ti révélé en août 2001 dans bord la mer Albion après Namaz Zuhr):

Allahumma innee abduka wabnu abdika wabnu amatika naasiyatee bi yadika maadhin feeya hukmuka adlun feeya qadhaa-uka as'aluka bikulli ismin huwa laka sammayta bihee nafsaka au anzaltahu fee kitaabika au allamtahu ilmil ghaibi indika an taj'alal qur'aanal Azeema, Rabee'a qalbee wa noora basaree wa jilaa'a huznee wa thi-haaba hammee. Laa Hawla wala quwwata illa billah.

Ô Allah! Mo To esclave [ou serviteur], garçon de To serviteur et garçon de To servante (c'est-à-dire ki mo entièrement sous To commandement). To bane décrets arrive séki arrive pou toujours prévaloir lors moi, bane décrets ki pou toujours justes et exacts. Mo supplier Toi par bane noms ki To fine donne à Toi-même ou ki To fine révélé dans To livre ou ki To fine capave enseigner à n'importe ki parmi To bane créatures ou ki To fine réserver dans To connaissance [dans To secret], afin ki de par To plaisir To faire le Quran Shareef vine ene source de contentement pour mo lé cœur, ainsi ki la lumière de mo liziés et ki li vine le guérisseur de tout mo bane chagrin et tracas. Pas ena aucaine la force et puissance en dehors de la force et de la puissance d'Allah.

Par So grâce, Allah (swt) fine enlève tout mon tristesse, chagrin, mo tracas et mo l'angoisse, etc., et fine transforme sa en la joie et bonheur kot au début du mois de septembre ; c'était ene samedi, Allah (swt) fine remette dans mo charge ene nouveau-né. Et kan après ki nous fine alle cherche sa bébé là, kan nous fine rentre dans nous la cour et ki mo fine ouvert gate, ti ena ene bien zoli *Azaan* ti pé donner. Mo pas capave décrire à ki point sa *Azaan* là ti zoli! Et sa jour-là, ti ena zis Rs.50 dans mo poche et dans l'espace de deux heures temps, Allah fine change sa situation là, et beaucoup de mo bane sympatizans, mo bane frères et sœurs spirituels ki conne ki kalité travail mo travail pour le *Deen* ainsi ki bane ki fine croire dans bane révélations divines ki mo ti pé recevoir à l'époque, zot fine vine

rende nous visite kan zot fine tender ki ene nouveau ti bébé fine rentre dans nous famille. Zot aussi, sa bane dimounes là zot fine souffert de bane persécutions et de boycott de la part du Jamaat Ahmadiyya mainstream parski zot ti fine croire dans la véracité de sa humble serviteur là. Donc, zot fine vini et fine donne beaucoup cado en forme d'argent ainsi ki bane vêtements et manger pour bébé, etc.

Nek ene coup, mo la caze ti pé vibrer avec la joie, ene telle contentement ki extraordinaire ! En l'espace de deux heures temps, sa ti bébé ki pas ti ena vêtements lors li fine gagne beaucoup linges ainsi ki du lait. Et zamais mo pas pou oublier mo maman bien-aimée ki fine toujours défanne la vérité et ki pas gagne peur personne [sauf Allah], et à ce moment-là, malgré so vieillesse, li fine vine reste avec moi et fine aide moi financièrement. Et mo bizin mentionner ki mo frère Zafrullah Domun et so famille aussi fine également aide moi non seulement lors le plan émotionnel, mais aussi financièrement. Ena aussi bane grands aide ki le Sadr Sahiba Internationale Fazli Amena et so bane zenfants fine apporter, ainsi ki so sœur, le regretté Shireen [maintenant décédé] - ki Allah pardonne li et donne li ene meilleure place dans *Jannat'ul Firdaus (Ameen)*, et ti ena également le frère de Nasira Beebee, Munir Oleemohamed et so madame et zot bane zenfants ki fine apporte ene grand soutien. Ena beaucoup bane les z'autres - la liste trop longue – bane ki Allah fine guide zot, dirige zot vers moi, vers mo la caze et zot fine vini et fine apporte beaucoup de contentement. *Masha-Allah*. Mo pas fine oublier zot, ni bane bons actions ki zot fine faire. C'est seulement Allah Qui ena la capacité pou récompense zot tous pour zot soutien. Et péna aucaine doute dans mo l'esprit ki c'est Allah Li-même Qui fine dirige zot vers mo la porte et fine rempli mo la caze avec contentement, après sa sentiment de la mort, sa l'atmosphère de *Mayyat* ki ti ena là. Allah (swt) fine change sa tristesse et lourdeur là en bonheur avec la venue de sa nouveau-né là. Maintenant, li fine vine ene z'homme et so nom c'est Abdul Muhaymine Aleemuddin Salim Azim, *Alhamdulillah, Summa Alhamdulillah*. Mo bien content avec li jusqu'à présent. Li occupé dans faire le travail du Jamaat. Mo faire *duah* avec Allah ki le travail du Jamaat vine ene partie intégrante de so la vie, *Insha-Allah*, ki li continuer être attaché à la Manifestation Divine et ki li arriver accomplir bane grands travaux pour la cause du *Deen-e-Islam, Ameen*. Allah tousel conner saki pou arriver dans l'avenir ; c'est Li tousel ki conner ki l'avenir réserver pour nous. Jusqu'à présent, mo pas fine recevoir aucaine message de la part d'Allah lors saki pou arriver dans

l'avenir, mais mo faire *duah* ki li vine ene très bon *Dai-Ilallah. Insha-Allah, Ameen, Summa Ameen.*

Mo faire sa *duah* là avec Allah (swt): **A'uuzu bi kalimaatil laahit taam-maati min shar-ri kulli shaytaanin wa haam-matin wa min shar-ri kulli ainin laam-matin.**

Mo cherche la protection de bane paroles parfaites d'Allah contre bane mauvais actions de sak satan et créature ki ena poison [venin], ainsi ki contre bane mauvais actions ki vine de tout bane mauvais lizié ki cause du tort. Ameen, Summa Ameen, Ya Rabbal Aalameen.

Insha-Allah, bane Khutbas lors le sujet de bane « Duahs Révélées » pour contigner vendredi prochain. Ki Allah (swt) aide moi pour continuer exposer lors sa joli sujet là. Insha-Allah, Ameen.